

Wann ich kä Pälzer wär

(Kurt Dehn / Günter Mannweiler)



1. Was is doch unser Palz so schä,
do gäbt's jo gar kä Zweifel mehr,
die Palz des war mol frieh'r es Paradies.
Uns Pälzer is des längscht bekannt,
so fruchtbar gäbt's jo kaum e Land,
das sieht mer noch am Obst un am Gemüs.
Do wachsen Traube bei de Aprikose
un Mandelbääm blühn fascht an alle Stroße.
Jetzt fro ich eich: Wo kännt's noch schänner sei?
Ehr Leit, drum stimmt des Lied mit ei:

Wann ich kä Pälzer wär, do wär mer's Herz so schwer,
weil ich mei Heimat lieb, mei schäni Palz am Rhei.
Was bin ich glücklich hier, wann ich im Wald spazier,
und an de Weistroß kehr ich dann als owends ei.
Ich lieb die Vorderpalz, die Blüte und die Rewe,
die nette Mensche do un denne gude Wie.
Un ohne Hinnerpalz, do kännt ich a net lewe.
Wann ich kä Pälzer wär, dann möcht ich änner sei!

2. In Dahn do is de Jungfernsprung,
in Derkem werd vum Woi gesung,
in Zwäbricke bliehn Rose immerzu.
In Lautre geht's, hipp hipp hurra,
am Betzeberg zum FCK,
im Pälzerwald do find mer schää sei Ruh.
Am Gelterswoog, do kann mer prima bade,
e Wannerung im Karlstal kann nix schade.
Die Heimat is halt schä, wann ich's eich sa.
Un deshalb sing ich jeden Daa:

Wann ich kä Pälzer wär ...

3. In Landstuhl steht e Burgruin,
vum Bruch her dicke Nebel zieh'n,
in Ramschde machen große Flieger Krach.
In Jettebach, do gäbt's viel Stää,
am Seewoog is es arisch schää,
e Keltegrab hann se in Rodebach.

In Mackebach, das kann e jeder wisse,
bin ich dehääm, das möcht ich niemols misse.
Das is fer mich de allerschänschte Ort.
Un drum ehr Leit jetzt uff ä Wort:

Wann ich kä Mackebacher wär, wär mer mei Herz so schwer,
weil ich mei Örtche lieb, mei schönes Mackebach.
Was bin ich glücklich hier, wann ich durch's Dorf spazier
oder mich froh gelaunt zum Fünfeckstäa uffmach.
„O du mei Mackenbach“ hört mer die Leit hier singe.
Mei Musikantedorf is iwwerall bekannt.
Un selbscht zehn Pferde könnte niemols mich fortbringe,
do vun mei'm Mackebach im schöne Pälzer Land.

Es lebe die Palz!